

II CORINTO 12:1-21

REVIEW...

- **I CORINTO 10 - ANG PROBLEMA SANG MGA SAYOP NGA MANUNUDLO - JUDAIZERS...**
 - Ang mga Judaizers manunudlo sang relehiyon halin sa Judah - nga nagatudlo nga kinahanglan nga tumanon ang Kasuguan...
 - Para nga makabato kag magdaog sa patag-awayan - kinahanglan ni Pablo ang sakto nga armas - ang Pulong sang Dios...
- **I CORINTO 11:1-15 - INDI MAGPALIMBONG...**
 - 1st - Hibaloa ang Leksyon ni Eva - ginatinguha ni satanas nga magduwa-duwa kita sa Pulong sang Dios...
 - 2nd - Indi tanan nga mga lideres pareho - ang mga sayop nagademanda sang kwarta..
 - 3rd - Magbantay para sa Anghel sang kasanag - nagatinguha sila nga makapanglimbong paagi sa pagpakunokuno nga matuod sila...
- **I CORINTO 11:16-33 - PAGPABUGAL SA GINOO...**
 - 1st - Kabuangan ang pagpabugal - wala kita sang butang nga indi halin sa Dios...
 - Galing kay ang simbahan sa Corinto nagabatas sang pagpabugal sang mga Judaizers..
 - Mga tawo nga nag-ulipon sa ila - nagpangawat - kag nagtampa sa ila - Mapabugal man si Pablo...
 - 2nd - Ang pagpabugal ni Pablo...
 - Nagapabugal ang mga Judaizers nga sila mga Judio - si Pablo amo man - waay man na kaso - **Philippians 3:7**
 - Nagapabugal ang mga Judaizers nga mga ministro sila - mas na gid si Pablo - makita sa iya nga pagpangabudlay...
 - 1st - Nagasugata pirme si Pablo sang mga problema tungod sang Maayong Balita - pero may kapuslanan gid ang ini nga mga problema!
 - 2nd - Pirme siya ara sa peligro bangod sa Maayong Balita - pero wala sang makapugong kay Pablo nga iwali si Jesus!
 - 3rd - Nag-antos si Pablo tungod sang Maayong Balita - kay iya nga ginahigugma kag gina-atipan ang mga katawhan sang Dios!
 - 3rd - Pagpabugal sa Ginoo...
 - Kon nagapabugal si Pablo - nagapabugal siya sang iya kaluyahon - para indi siya ang tulokon sang mga tawo...
 - Kabalo siya nga ang Maayong Balita indi nahanungod kay Pablo - kundi ang Maayong Balita ni Jesu Cristo!

KUSOG SA KALUYAHON... (3 KA BUTANG)

- **1ST - PAGPABUGAL SANG MGA PALANAN-AWON... VS. 1-6**
 - Bisan wala man kapuslanan ang pagpabugal - padayon nga nagpabugal si Pablo sang iya nga mga panan-awon... vs. 1
 - Nakabaton si Pablo sang mga lain-lain nga mga palanan-awon kag pahayag halin sa Ginoo...

- Ang Maayong Balita mismo wala ginhatag kay Pablo sang isa ka tawo...
 - **Galacia 1:11-12** - "Gusto ko nga mahibaluan ninyo mga utod, nga ang Maayong Balita nga akon ginwali sa inyo indi himo-himo lang sang tawo. Wala ko ini nabaton halin sa tawo, kag wala man sang tawo nga nagtudlo sini sa akon, kundi si Jesu-Cristo ang nagpahayag sini sa akon."
 - Sang ara siya sa dalan nga padulong sa Damascus para maghingabot kag magpatay sang mga Cristohanon - ginsugata siya ni Jesus...
 - **Binuhatan 9** - Nabatian ni Pablo ang Maayong Balita halin mismo kay Jesus - kag naluwas siya!
- o Ang labing-dako nga panan-awon ni Pablo - amo ang langit mismo...
- Ginhambalan ni Pablo ang simbahan - 'Kilala ko ang isa ka tawo'...
 - Naga-alang-alang si Pablo nga mag-ako nga ang panan-awon nga iya ginahambal - iya mismo nga inagyan...
 - Nagatuhoy siya sa iya kaugalingon sa 3rd nga persona - 'May kilala ako nga tawo' - sa pagtinguha nga mangin mapailubon...
 - 14 ka tuig antes niya ginsulat ang sulat sa simbahan - gindala si Pablo sa 3rd nga langit...
 - Ang 1st nga langit - amo ang kalawakan sa ibabaw / ang 2nd nga langit amo ang outer space...
 - Ang lugar nga ginalaragway ni Pablo - ang 3rd nga langit - amo ang puluy-an sang Dios...
 - Wala nahibaloan ni Pablo kon ato to siya nga pisikal - okon napatay siya...
 - Mahimo nga ang ini nga eksperiensya resulta sang ginbato si Pablo asta kamatayon - **Binuhatan 14**
 - Napatay siya kag nagkadto sa langit - apang maathag nga indi pa tapos ang Dios sa kay Pablo...
 - Amo nga ginpabalik siya - kag nabuhi si Pablo...
 - Wala kita sang dapat kahadlukan kon naga-alagad kita sa Ginoo...
 - Indi naton pag-ibilin ang ini nga kalibutan kon wala pa kita ginatawag sang Ginoo...
 - Kon indin pa tapos ang Dios sa aton - pwede Niya kita nga ipabalik kon kinahanglan Niya!
 - Didto sa 'Paraiso' nakabati si Pablo sang mga butang nga ginadumili-an siya nga isugid...
 - Ang panugda nga ang nabatian ni Pablo tuman nga katahom para nga ibutang sa mga tinaga...
 - **I Corinto 2:9** - "Wala pa gid sing may nakita, nabatian, ukon nahunahuna ang tawo nga sarang maikomparar sa mga butang nga ginpreparar sang Dios sa mga tawo nga nagahigugma sa iya."
 - Ang langit amo ang pinaka-tilingala nga lugar nga aton mahunahuna - labaw pa sa aton nga imahinasyon!
 - Malawig gid nga tinion - literal nga 1000 ka tuig - sa langit para mahayag sang Dios sa aton ang tanan nga ini!
 - **Efeso 2:7** - "Ginhimo niya ini agod mapakita niya sa tanan, sa palaabuton nga mga inadlaw, ang iya indi matupungan nga bugay kag kaayo sa aton nga iya ginhatag paagi kay Cristo Jesus."
- o Pwede gid tani ni Pablo nga ipabugal ini - pero indi siya...

- Nakita na ni Pablo ang mahimo nga matabo...
 - Sa Lystra gintawag nila siya nga dios kay gin-ayo niya ang tawo nga piang - **Binuhatan 14...**
 - Sa Malta abi nila nga dios si Pablo tungod wala siya mapatay sang ginkagat siya sang man-og - **Binuhatan 27...**
 - Hunahunaa kon ano ang obrahon sang mga tawo kon nakabalo sila nga nakakadto na si Pablo sa langit!
- Kabalo si Pablo nga tawo lang siya - kag indi niya gusto nga magdepende sa iya ang mga tawo...
 - Ang mga tawo may huyog nga ibutang ang mga lideres nga espiritwal /mga pastor sa babaw sang pedestal...
 - May impresyon nga sila mas madako / mas balaan - sang sa iban...
 - May peligro kon ang mga tawo magtulok sa isa ka persona/pastor - kay kon mapaslawan siya...
 - Kag kon ang aton pagtuo ara sa isa ka di-kahimpitan nga tawo - imbes nga sa isa ka himpit nga Ginoo...
 - Kon makasandad ang tawo - makahimo sang kasaypanan - malaglag man kita upod sa iya!
- **2ND - NAGAPABUGAL SA KALUYAHON... vs. 7-10**
 - o Para nga mapunggan nga mangin bugalon si Pablo - ginhatagan siya sang Dios sang isa ka tunok... vs. 7-8
 - Ginpakamaayo sang Dios si Pablo sang madamo nga mga pahayag kag mga panan-awon...
 - May ara gid sang matuod nga tentasyon nga mangin arogante si Pablo - puno sang bugal...
 - Gani ginhatagan siya sang Dios sang isa ka tunok - isa ka 'mensahero ni satanas' - para nga magpabilin siya nga mapa-inuboson...
 - Indi kita sigurado kon ano ini ang tunok ni Pablo - wala niya ginsugid...
 - May mga nagapati nga ini isa ka pisikal nga depekto...
 - o Kabalo kita nga si Pablo may problema sa iya nga mga mata - **Galacia 4:15...**
 - o Amo na kon ngaa indi siya mismo ang nagasulat sang iya nga mga sulat...
 - o Lain nga tawo ang nagasulat samtang ginadikta ni Pablo...
 - May ara man nga nagapati nga basi problema ini sa isa ka tawo...
 - o Pariseo si Pablo - ayhan myembro sang Sanhedrin - **Binuhatan 26:10**
 - o Kinahanglan nga may asawa ka para mangin myembro sang nagapamuno nga konseho sang Israel...
 - o Apang sa tion nga ginsulat niya ini nga sulat, indi na siya kasado - **I Corinto 7:7...**
 - o Mahimo nga napatay na ang asawa niya - okon basi ginbiyaan siya sang iya asawa bangod sang pagtuo niya kay Jesus...
 - o Ang isa ka sadtong-asawa nga may hinakit isa ka mabudlay nga tunok nga lulukdohon sang isa ka apostol...
 - May mga nagapati man nga ini isa ka pagsulay...

- o Ordinaryo nga tawo si Pablo - sigurado nga naga-atubang man siya sang mga tentasyon pareho man sa aton...
- o Ayhan ginatentar sang mga babayi / okon kwarta / kon kabantugan okon himaya...
- Kon ano man ina - malain gid kay gintawag ini ni Pablo nga - 'isa ka mensahero ni satanas'...
 - o Maayo nga indi kita sigurado kon ano gid ang ini nga tunok...
 - o Tungod ang kada isa sa aton may ara man sang aton nga bersion sang 'tunok'...
 - o Mahimo nga isa ka pisikal nga problema - isa ka masakit okon kabudlayan nga ara sa aton kabuhi kada adlaw...
 - o Okon basi may isa ka tawo sa aton kabuhi - nga aton ginapangabay nga magpalayo...
 - o Okon isa ka pagsulay - nga padayon nga nagatilaw kag nagahatag sang kalisod
 - o Kag indi kita maka-intiende kon ngaa indi na lang pagkakason sang Dios sa aton kabuhi!
- o Tatlo ka beses nga ginapangabay ni Pablo sa Dios nga kakason ang ini nga 'tunok' ... vs. 9-10
 - Kag tatlo man ka beses nga ginsabat siya sang Dios nga indi - nagpabilin ang tunok...
 - Tatlo man ka beses nagpangabay si Jesus sa Hardin nga kakason sang Dios ang Iya nga 'tunok' - ang krus...
 - **Hebreo 5:8** - "Kag bisan Anak siya mismo sang Dios, natun-an niya ang pagkamatinumanon paagi sa mga pag-antos nga iya naagihan."
 - Masami wala ginapalos sang Dios ang aton nga mga problema –mahimo pa gani nga pasugtan niya nga maglala ini...
 - Kon mag-abot ang kalisod - ang aton una nga reaksyon amo ang magsalig sa aton kaugalingon...
 - Apang mahimo nga 'pa-initon' pa gid sang Dios - asta nga indi na naton masarangan lukdohon ang aton problema...
 - Amo nga mahibal-an naton nga bastante na ang grasya sang Dios...
 - Kon tanan nga butang sa kabuhi himpit - indi na magsalig si Pablo sa Ginoo...
 - Mahimo nga nagpabilin siya nga nagdepende - kag nalimitahan sang iya kaugalingon nga abilidad...
 - Ang aton nga pagtinguha - aton abilidad - masami amo ang naga 'limita' sang obra sang Dios...
 - Kon nagasalig kita sa aton kaugalingon – aton abilidad – aton nga pag-hangop – maluya kita...
 - Apang sa aton nga kaluyahon - Ang kakusog sang Dios perfecto ...
 - Nagapabugal kita sang aton nga kusog - pero ano ang aton nga kusog kon ikumpara sa kusog sang Dios...
 - Ang kakusog wala nagahalin sa kwarta / poder / impluwensya / bisan sa kon sin-o ang imo nga mga kilala...
 - Ang matuod nga kusog naga-abot kon aton marealisar nga indi kita makusog – sa matuod lang, maluya kita...
 - Ang problema limitado kita – limitado ang tion / talento / kwarta / abilidad...

- Pero wala sang limitasyon ang Dios - Ara sa Iya ang tanan nga tion / talento / kwarta nga ginakinahanglan naton!
- Sa paghangop sini – wala kita nagasalig sa aton nga kusog – nagadepende kita sa kusog sang Ginoo!
- Kon nagatulok kita sa Ginoo – nagadepende sa Ginoo – indi kita mapunggan!
- Nagakalipay sa tunga sang mga problema...
 - Gani nagasiling si Pablo nga nagapabugal siya sa iya nga kaluyahon - para mapakita niya ang gahom ni Jesus!
 - Sang si Pablo gin-insulto / ginhingabot / nagakinahanglan / okon may problema - malipayon siya...
 - Kay kon mag-abot ang mga problema - kabalo siya nga sa iya nga kaluyahon pinakamakusog gid siya!
 - Masami kita nga naga-agi sa pinakadamo nga problema sa kabuhi kon magpinsar kita nga maayo na gid kag tawhay ang aton kabuhi...
 - Amo ina ang tion nga patago nga nagasulod si satanas - kay mahapos gid kita nga mabiktima...
 - Nagasalig kita sa aton kaugalingon nga kusog - wala kita nagadepende kay Jesus...
 - **I Corinto 10:12** - “Gani kon nagahunahuna kamo nga ang inyo pagtuo malig-on na, mag-andam kamo kay basi kon makasala man kamo.”
 - Amo na nga sa madason nga tion nga ang imo kabuhi daw maguba - mangin malipayon ka - ginahatagan ka sang kakusog sang Dios...
- **3RD - ANG TAGIPUSOON SANG ISA KA AMAY... VS. 11-21**
 - o Nahuya si Pablo sang iya nga ‘pagpabugal’... vs. 11-13
 - Wala na tani sang kinahanglan - ang simbahan tani ang magpabugal nahanugnod kay Pablo...
 - Indi nagkulang si Pablo sa iya nga pagka Apostol - mapailubon nga ginpamatud-an ni Pablo ang iya kaugalingon ...
 - Maathag nga madamo siya nahimo nga makusog nga mga tanda kag katingalahan sa simbahan...
 - Wala sang ginrekord si Pablo para sa aton - basi tungod indi niya gusto nga magtikal...
 - Pwede naton nga haumhaumon nga pareho lang ini sa mga nakarekord sa libro sang Binuhatan...
 - Si Pablo - nagpang-ayo sang nagamasakit / nagtabog sang mga demonyo/ nagpabanhaw pa gani sang napatay!
 - Wala ginlista ni Pablo ang iya kaugalingon nga mga tanda kag mga katingalahan - kay nakabalo siya nga wala gid siya...
 - **Hulubaton 27:2** - “Indi pagdayawa ang imo kaugalingon; pabay-i nga ang iban ang magdayaw sa imo.”
 - Kon makasugata ka sang manunudlo/pastor nga nanamian gid magtikal sang iya nga mga ‘mabaskog nga mga gin-obra’...
 - Basi maayo pa nga maghalin ka - kag magsaylo sa lain nga simbahan...
 - Mahimo nga usaron kita sang Dios - kag maghimo sang mga katilingala nga obra paagi sa aton - pero...

- Wala kita nagabaton sang sang kadayawan - tanan nga kadayawan kag himaya dapat nga ihatag sa Dios!
- o Isa ka butang nga indi masiling tuhay kay Pablo - nga pabug-at siya sa simbahan - 2 ka rason... vs. 14-19
 - 1st - Indi gusto ni Pablo nga 'magkunol ang balatyagon' sang simbahan tungod sa wala untat nga pagpangayo sang kwarta...
 - Wala gid ginpasugtan ni Pablo nga ang simbahan ang masuporta sang iya nga mga kinahanglanon pinansyal...
 - Ang una nga tion sang gintukod niya ang simbahan / ang ikaduwa nga tion antes niya ginsulat ang malubha nga sulat...
 - Subong makari si Pablo sa iya nga ikatlo nga pagbisita - kag pareho lang gihapon...
 - Kon padayon nga nagapangayo sang kwarta sa mga tawo - ginakapoy man ang mga tawo...
 - Makulbaan ka na nga magkadto ang pastor - kon magtikab na ang iya nga bibig...
 - Nagakunol ka na sa Pulong - tungod nagahaumhaum ka nga kwarta lang ang iya tinutuyo!
 - 2nd - Tungod nga ang kabataan indi ang dapat nga mag-atipan sang ila nga mga amay...
 - Si Pablo indi interesado sa kon ano ang iya makuha sa simbahan...
 - o Makari siya tungod sang iya nga labing-dako nga paghigugma sa mga katawhan sa simbahan!
 - o Sa matuod lang, handa si Pablo nga GASTOHON ang tanan nga ara sa iya para sa simbahan...
 - o Iya nga ihatag ang iya nabilin nga piso / ang iya nabilin nga kusog...
 - Bisan nahibaloan niya nga kon mas palanggaon niya sila - mas diutay ang ila nga ibalik nga pagpalangga...
 - o Ang isa ka amay handa nga maghimo sang bisan ano para sa iya nga mga anak - para nga magdako sila nga mabaskog...
 - o Pero ang mga amay ma-agi gid sang tion nga kinahanglan nila batason nga wala sila gina-apresyar sang ila nga mga anak...
 - o Ina ang ginatawag nga 'teen years' - bisan ano ang obrahon sang tatay kulang gihapon...
 - o Kag ang simbahan sa Corinto naga-agi sa ini nga 'teen' years...
 - o Madali magpalangga sang isa ka tawo - kon iya ka man nga ginapalangga - kag nagapakamaayo siya sa imo...
 - o Paano ya kon iya ka nga ginaduplaan sa guya - kon bisan ano ang himoon mo kulang gihapon...
 - o Ang tanda sang Higugma ni Jesus amo ang imo nga higugmaon bisan ang imo kaaway!
 - o **Lucas 6:27** - "Pero kamo nga nagapamati sa akon, nagasiling ako sa inyo nga higugmaa ninyo ang inyo mga kaaway kag maghimo sang maayo sa mga wala nagahigugma sa inyo."
- o Mga balibad para matago nila ang sala... vs. 20-21
 - Gina-akusar si Pablo nga nagapamentaha sa simbahan...

- Ginhangkat niya sila nga magpa-athag kon paano - wala gid sang may ginkuha nga kwarta si Pablo sa ila...
- Tanan nga nagkari upod kay Pablo - Titus / kag iya utod - wala gid sang may ginbaton nga kwarta (*pareho nga espirito*)...
- Wala ginahambal ni Pablo ini para depensahan ang iya nga mga hulag - iya nga ginapreparar ang simbahan...
- Sang nagkari siya , nakulbaan siya sa kon ano ang iya nga makita - isa ka simbahan nga nalunod sa sala...
 - Puno sang kahisa / inaway / ka-akig / maiya-iyahon / kutso-kutso / imoralidad...
 - Tanan nga problema nga gintilawan ilubad ni Pablo sa una niya nga epistola - asta subong problema man gihapon...
- Ang mga akusasyon nga ginahaboy nila batok kay Pablo - ila nga paagi para makalikaw sila sa sukmat sang ila nga mga sala...
 - Indi magpatublag si Pablo - tuman ang iya paghigugma sa ila nga indi niya pwede nga pabay-an na lang nga magpadayon ang sala!
 - Kaangay sang isa ka amay sa isa ka rebelde nga pamatan-on - iya nga pagatadlungon ang simbahan kon magabot na siya...
 - Kon ang mga tawo nasiod sa sala - kag indi nila luyag nga magbag-o...
 - Tilawan nila nga ipasa ang ila nga salabton sa iban - ibasul sa ila para nga mas maayo ang ila pamatyag...
 - Tilawan nila nga isaylo ang igtalupangod palayo sa ila - para indi makita ang ila sala...
 - Apang sa ulihi dapat nga mangin handa kita nga kalimtan ang mga atake - mga insulto...
 - Higugmaa ang mga tawo para mapamatukan mo ang ila nga sala - agod nga makapanumbalik sila kay Jesus!